





睂判序

夫佳人貢媚獻顰。其伎倆惟一彎。睂耳。睂情。旣售。則雙蛾無復可用。烟飄艸萎。豔情俱歿。稍不售而妖厲之氣。蜿蟺盤結于玄黃。一劫不消。萬觸俱入。觸之天。則爲白虹青。

霓○觸○之○山○則○爲○障○嵐○毒○霧○觸○之○水○
則○爲○海○市○唇○樓○極○之○而○入○鬼○國○則○
爲○羅○叉○夜○叉○怪○氣○無○所○不○至○必○至○
觸○之○烈○士○之○腸○吐○之○文○人○之○筆○痕○
月○弔○其○睂○采○螺○黛○浮○于○墨○華○舉○千○
媚○萬○顰○未○化○作○麗○詞○豔○語○令○人○人○

動佳人難再得之恨。而後睂情潛
售妖厲之氣。方解噫。古今女子得
售睂情者。幾人。自張京兆而外。卽
遠山照暎。初非以睂賞。孫壽愁妝。
自覺無賴。而刻睂之慘。且以睂處。
也。安得日供綠沈管。作睂史乎。曉

妝樓女隊。其能取何郎粉抹盡否。
設反而問予曰。書生守兩莖枯骨。
不能乘雲氣而上。他日幻作金鑾。
殿請東方生見。察更乞何人判語。
且爲諸女子停五花。

仙臞何偉然題

廣快書卷五

西湖何偉然仙臞纂

延陵吳從先寧野定

秋妝樓睂判

有序

仙臞自本

予涉江以來。經三山者二十度。然皆從影中過。
之。卽一恣青鞵。有如入蓬島。矧能卧翠微。聽江
聲。過枕下乎。崇禎戊辰秋。偶泊郭璞墓前。月印
江水。明于龍珠。照甘露金山。如雙睂在鏡。翠色

浮動卽焦山亦隱躍如黛。恍欲移就妝臺者清。
艷撩人。仙骨珊珊作響。予素淫于山水。至此無。
能自主矣。蓬牕坐冷。孤夢不飛。忽見樓臺數重。
突起江面。浮青疊秀。列三山而四之。醒夢不分。
飄忽爲甚。豈江中亦有海市乎。樓臺甫起。雲檐。
風櫺。遂卽開朗。層層有額。題字多篆籀。不能識。
獨最下一層。額曰秋妝樓。八牕空迥。半亭半堦。
直平水際。無雕欄曲檻之飾。正洞視間。忽出女。

隊數十人。姿態各陳。衣妝異製。如錦城雲麗。幾
搖人目。一人衣紫綃衣。翠烟裙。竹葉爲髻。蕙花
綴帶。帶上有小紫囊。似王母盛五嶽圖者。其人
自稱爲樓主。雪黛冰魂。令人作羅浮林下想。其
人獨中立。餘皆左右侍。不設座。不設几案。樓主
目攝左右。則各各睂動。直欲睂語者。左右遞向
作語。樓主皆能判之。判未畢。臺之上層。又有女
如雲。各自呼其名。有曰薛家紅線者。有曰石家

綠珠者。有曰銅雀臺女者。有曰沉香亭妃者。有曰秦弄玉者。有曰許飛瓊者。未能悉聽。而喧笑聲相雜。江濤怒飛。予醒起。不知襟袖伏在篷檻也。月尚可書。隨展玄覽堂十樣箋。抽毫記之。其左右侍諸人。姿格語言。一言尚能摩述。因題曰秋妝臺看判云。

一人窈窕勝花。流連雅步。籠紗飾首。衣帶寬博。適然詞人體氣。曰李密之愛姬雪兒也。曰自君

公以賓朋文字屬歌也。奇麗之句。亦竊好之。而調律叶音。齒牙不利。至今若無香舌。不獲以音。媚人樓主曰。今之文章。誰足當雪兒者。卽音同蛙鳴。蚓唱。無傷也。

蓮步窘澁。粉靨嬌羞。抱錦衾而至。似不欲以姓字語人。樓主強詢之。曰。妾蓮花也。唐嚴謨家妾。誤遣侍隱士陳陶。以亂其性。陶操行清潔。不爲所染。妾乃獻詩求去。曰。蓮花爲號。玉爲腮。珍重。

尚書遣妾來。處士不生巫峽夢。虛勞雲雨下陽臺。
陶答云。近來詩思清如水。老去風情薄似雲。
已向昇天得門戶。錦衾深媿卓文君。陶亦風人。
何爾薄情如此。樓主曰。思清如水。正是韻人身。
既隱矣。猶以穢聞淫風也。長卿所以不可風也。
蓮花不着水。清淨超于彼。且可出爾火坑矣。
裙衫雲薄。顏色黯慘。向樓主而泣曰。妾范十郎
女。名燕燕。嬖于陸氏。雜羣姬中。陸貧。羣姬散。妾

獨不忍去。至陸死。妾鬻身以葬焉。妾之報君公
如此。羣姬不幾太無心邪。樓主曰。以羣姬待羣
姬。報應如此。爾自不以羣姬自處。故待君公獨
厚。非相報也。人有言曰。嗚呼。豫讓懷智。伯國士
恩。始國士報燕燕。不賢于豫讓哉。爾可以慰矣。
蘿帶荷裳。雲鬟欲墜。纖纖如柳中鶯。手執紅牙
板。風前羞澁者。曰。晉紀瞻家歌姬。曰。妾爲周顗
惑于新聲。極露醜態。以黷之。妾轉愧死。只今捫

舌九地樓主曰。爾以聲受淫者也。倩天風一陣。
吹出松聲。澗聲。春鳥聲。秋蟲聲。鶴聲。琴聲。墜花
聲。滴雨聲。灑雪聲。敲雲聲。煎茶聲。落子聲。清人
耳根。可以洗聲染。爾其起乎。若宮中珮環聲。街
頭賣花聲。亦戒封姨。莫漫相送。

舞衣歌扇。折疊舊痕。風嫋牡丹。嬌來如醉者曰。
關盼盼曰。妾不從彭城公于地下。非惜一死。恐
百載後。以我公重色。有從死之妾。玷公清範耳。

白舍人不會深意。乃諷曰。今春有客洛陽迴。曾
到尚書墓上來。見說白楊堪作柱。爭教紅粉不
成灰。又黃金不惜買蛾眉。擇得如花四五枝。歌
舞教成心力盡。一朝身去不相隨。妾得詩快快。
旬日不食而死。樓主曰。白舍人未嘗諷汝。特爲
汝詩作解耳。汝曰。樓上殘燈伴曉霜。獨眠人起
合歡牀。相思一夜情多少。地角天涯不是長。何
如相隨地下可。免相思。泉臺亦可作合歡牀也。

汝又云。北邙松柏鎖愁烟。燕子樓人思悄然。自
埋劍履歌塵散。紅袖香銷十一年。則白楊不堪
作柱。紅粉不幾成灰耶。

以手擁雲髻。紅袖障其面。避人見雙淚痕。淹然
欲倩人扶者。爲樊通德。曰。通德後漢伶玄妻。能
言趙飛燕姊妹事。玄語通德曰。斯人俱灰滅。盛
時疲精神。馳驚嗜欲。寧知終歸荒田野草乎。通
德因掩袖視燭影。淒然泣下。樓主曰。我有一丸。

月代汝作燭影。燃起長生燈。千秋情事冷。

桃花馬上石榴裙。佩千金七首。折柳絲數條。爲
拂歌侯門。一入深如海。從此蕭郎是路人者。爲
崔郊婢。恨姑奪郊之好。而鬻之連帥也。非崔生
一詩。終落健兒手。奈何以四十萬錢。辱人樓主
曰。嘗聞不肖子弟。有三變。第一變。爲蝗蟲。爲鬻
田莊而食。第二變。爲蠹魚。謂鬻書而食。第三變。
爲大蟲。謂鬻奴婢而食。三變之輩。世亦不少。而

况老姑坐窘無田莊可鬻乎。幸崔郊書不見鬻。以文名贖汝。又何怨乎。

裁冰綃以作幘。冉冉綠雲籠薄霧間。紅衫則剪赤城之霞者。爲魏文帝美人夜來。持金針綵線而泣曰。憶夜來擅針神之譽于宮中也。雖處深帷重幄。不用燈燭。裁製立成。帝非夜來縫製。則不服針法。俱在。而深宮莫傳。寧不惜此鍼絕。樓主曰。當其時。天孫之錦失。奇畫樓之穿針減巧。

固已久忌之。何有今日。鴛鴦繡罷。金針在更。復
度却何人。

兩腋風生。蓮花生于足下。若遠若近。非霧非烟
者。爲石季倫之愛婢。翔風。翔風能別五聲。以文
顯名。年三十。退爲房老。怨而作詩云。春華誰不
美。卒傷秋落時。坐見芳時歇。憔悴空自嗤。再三
吟其詩。向樓主而泣。樓主曰。傷哉秋也。其起宋
玉而索之賦乎。雖然。可免綠珠之墜。樓則秋之

爲德也。

不雲不雨。水痕猶在衣上。水痕中隱見花瓣。如楊恂遇花時。就花下取蕊粘婦人衣上者。爲王子敬家桃葉。因見渡頭有樹花。如見其人者。笑而問之。樓主曰。桃葉映花紅。無風自婀娜。已則先花之矣。如其不願。則花落水。流依然。桃葉桃根耳。

瑩瑩然。奕奕然。開秋水之妝。出廣寒之殿。清光

通射。映人成玉者。爲馮月華。曰。妾自少愛一玉馬。以綠繩穿之。繫臂上。卧則置枕下。夜忽失所在。旦則如故。視其蹄有泥跡。出與廐中羣馬相亂。非妖乎。樓主曰。非妖也。凡精氣所托。皆能流動。石也。而可鞭可牽。玉且爲石精也。龍駒有未散之精。而托之奔也。非妖也。女而夜奔。則妖也。趙飛燕體輕。能爲掌上舞。梁羊侃妾張淨琬。腰圍一尺六寸。亦能爲掌上舞。兩相矜長。而未決。

也。各綵衣長袖。作驚鴻遊龍之勢。過樓主而問
焉。樓主曰。俱莫矜善焉者。作素娥居月宮桂樹
下。不則特雅州一虞美人草耳。亦安用此舞爲。
兩人輾然曰。舞有用。舞有用。楊再思披紫袍。作
高麗祝欽明。據地搖頭作八風。崔日用酒酣作
回波脫也。無用安用。此醜態爲。

淒然涕下。睂有愁色。容則寒花焉。自稱曰文君。
樓主曰。吾聞文君姣好。睂色如望遠山。臉際常

若芙蓉似非文君者。曰樓主獨不聞淒淒重淒淒。嫁女亦不啼之語耶。那得不憂于心而愁于眉也。樓主曰遠山霧頽芙蓉雙落猶能與以白頭耶。風流才子固不孟浪也。嗟世之人。瞽于淫而不悟。長卿豈瞽于淫者。

于衆中標格獨清越。且流影如散花天女。絕不以色染人者。則謝道韞也。樓主曰道韞欲何言。曰柳絮因風。竟作雪。詩粉本願與詩人共商。却

樓主曰。滿前皆詩人。試與若個商却。

有一人焉。引箜篌而寫其聲。曰。公無渡河。公竟
渡河。墮河而死。當奈公何。樓主曰。爾夫固白首
狂夫。被髮提壺。亂流而渡者耶。曰。非也。霍里子
高之妻麗玉也。悲其事而代寫其聲也。樓主曰。
有心哉。子高因刺船者也。公無渡河。寧獨爲白
首狂夫哉。有心哉。

有一人焉。血痕鮮如桃花。幾濺人衣上。一種慄

慨悲歌之狀。令見者不欲生。樓主者。其以頸血
染誰氏之劒耶。曰。漢兵已畧地。四面楚歌聲。大
王意氣盡。賤妾何聊生。樓主曰。其虞姬乎。以姬
之凜凜。則大王之意氣。猶未盡也。

編青蓮葉爲半幘。剪紫袈裟而衫之。拈花微笑
者。則楊茗華也。樓主相向頂禮而問曰。聞旣感
悟入道。道在何處。曰。竺僧度云。事君以治一國。
未若弘道以濟萬邦。事親以成一家。未若弘道。

以濟三界。且被袈裟。振錫杖。飲清流。詠般若。雖
王公之服。八珍之膳。鏗鏘之聲。煒燁之色。不與
易也。樓主曰。道果在是。請自悟。悟得便是。道悟
不得。毋留作後來優婆夷。一重度僧公案。

抱琵琶。胡裝。竟身作青草色。向樓主默然而立。
樓主曰。抱琵琶而胡裝。誠王昭君也。何以竟身
青草色也。乃笑應曰。自青塚出也。樓主戲謂曰。
千金今日贖蛾眉。顏色還似宮裏時。否。復默然。

及去。臨風而吟曰。丹青失舊儀。玉匣成秋草。想
妾辭關淚。至今猶未燥。劉令嫺姊妹獨知我。

兩宮人皆宮裝。手中各執一葉。樓主取手中葉
視之。一爲梧葉。上題詩曰。一入深宮裏。年年不
見春。聊題一片葉。寄與有情人。一爲紅葉。上題
詩曰。水流何太急。深宮盡日閒。殷勤謝紅葉。好
去到人間。視畢曰。啐。啐。好宮人。竟不得其姓氏。
咸通中。兩京咸宜觀女道士魚玄機者。霞佩雲

冠。御鹿而至。請樓主說法。樓主曰。大羅過却三
千歲。更向人間魅阮郎。玄機曰。我有贈隣女詩。
易求無價寶。難得有心郎。請叅之。爲我捉住嬰
兒。免得走了黃婆。

寒光上戰袍。宛然鐵甲將軍者。列之紅妝隊中。
樓主甚疑之。問之。則唐時女子木蘭也。代父戍
邊。故作戎裝。質于樓主曰。杜牧題于廟曰。彎弓
征戰作男兒。夢裏曾經學畫眉。幾度思歸還把

酒拂雲堆上祝明妃。經字應改却驚字。樓主曰。聞之君子曰。若木蘭者亦壯而廉矣。使載之列女傳。緹縈曹娥將遜之。蔡琰當低頭愧汗。正不在一字定生平也。

五色絲束腰。嬈嬈焉若仙子步虛。與落花競舞者。孫荆玉也。亦梁羊侃家姬。與張淨琬同舞隊。而未獲定其品。樓主曰。反腰貼地。啣得席上簪。固女中之軟玉也。未可與掌上舞較勝。

一人尾孫荆玉之後。十步之內。蘭氣蓬勃。不見翠睂粉黛。但于千花妝中。流出香語。曰。妾花月之妖素娥也。因遇狄梁公正人。不敢露出妖態。藏頭至今。幾欲悶殺。惟樓主爲我開新面。樓主曰。且請出眼前。半花月之妖也。何獨爾是避也。

儒禪序

儒釋之爭也。競其趨。則莊嶽齊言。
邯鄲趙步也。忘其止。則分舟而掉。
異軌而驅也。爭之。則兩不下。不爭。
則一人而合美者也。儒亦有禪。何。
必與禪爭。儒自有禪。又何必求禪。

而失爲儒也。則儒禪之說也。然儒也。而奚必以禪指蓮體俱空。空王見取。阿修羅與帝釋戰敗。藏身入藕絲。正見空之所容者大。知有禪則未空也。何不并去其禪。以還儒乎。譚景升云。以我之虛。合彼之無。

自然可以隱。可以顯。而無所拘。必
以禪合儒。何拘乎。況世之禪而野。
狐者乎。

仙臞何偉然題

儒禪序

廣快書卷六

西湖何偉然仙臞纂

瀨上彭元采遵亮定

儒禪

有叙吳寧野元本

夫儒與禪分門也久矣。究竟心與性何分也。靜
與定何分也。習與漸何分也。貫與頓何分也。明
與慧何分也。其律其戒行其講貫其夏楚捧喝
等。儒以衣冠而禪則褊袒。儒陽以致君澤民而

禪陰以佑君福民。中庸與楞嚴較玄。法華與論語証實。宋儒逞逞尋其奧義。而玄解之。釋氏亦以修身立命。爲摩頂一義。彼且爲簞瓢。彼且爲仁壽。彼且爲不貳。彼且爲朝聞夕死。而禪之侵入于儒也。然儒者以參兩爲精神。則真實幾洩。以激昂爲意氣。則含忍尚少。以奢靡爲分願。則福力不偕。不若求之一身。降伏吾魔。調攝吾神。日月運行于崑崙之墟。天河轉運于尾閭之關。

重樓不鎖。絳宮可居。其功業文章。聽之造化。取
精于闇。忘機于恬。參之無十疑。保之有四大。祈
與吾輩共証雪山。以發明王之夢。分緣泗水來。
傳萬古之燈。則真儒之禪門也。

買物放生。前放後取。動人殺機。益增罪業。當于
此心時。惕不忍。常存舒放。釋冤解勞。扶人不以
手。利人不以口。與臣言忠。與子言孝。凡天地間
有萌可生。有氣可吹。必求長養。無使零落。大生。

廣○生○在○吾○五○內○是○吾○儒○不○殺○生○禪○

虛○室○生○白○清○明○如○神○苟○有○曖○昧○本○真○立○喪○惟○是○

日○濯○日○磨○時○劇○時○刃○能○聽○人○非○常○思○鬼○責○非○分○

之○獲○意○外○之○求○不○邀○名○不○矜○譽○嚴○于○一○介○極○之○

屋○漏○而○後○面○目○可○以○對○人○世○也○是○吾○儒○不○偷○盜○

禪○

五○色○令○人○目○炫○五○味○令○人○口○爽○五○音○令○人○耳○聾○

化○工○無○限○錯○繡○惑○心○有○如○以○馳○騁○之○風○流○恣○情○

性之採取。或爲分香。或爲憐媚。卽犯大戒。非吾
之所有。雖一毫不苟。是吾儒不邪淫禪。

鑄古冶今。表忠誅佞。一言破紙天淵。升沉必使
寬觀平等。爾我一氣。然後可以垂之永久。勒于
不磨。好者美之。惡者憎之。綺文飛語。以小疵淹
大節。以一節槩生乎。何以權于舌。戟于管耶。不
聖不懟。陽予陰奪。皆可默証。以逭後言。是吾儒
不妄語禪。

狂○水○惑○性○美○疾○亂○真○有○形○之○害○小○無○情○之○禍○大○
當○吾○意○者○沉○酣○之○投○吾○機○者○嚼○噉○之○浸○入○而○浸○
淫○恣○索○而○恣○飽○則○天○地○可○以○漂○溺○世○界○可○以○割○
炙○心○之○利○鋒○情○之○虐○燄○爲○之○甕○者○七○尺○之○軀○也○
爲○之○甕○者○一○井○之○口○也○惟○養○以○恬○憺○休○其○天○和○
庶○于○此○味○有○會○是○吾○儒○不○飲○酒○食○肉○禪○

大士分七寶臺以奉如來故簡文遂以纓冕以
下九十二種事佛休文以本身以外七十七端

奉佛而布施之名遂立。是各布施實非布施。何以故。有不住聲香味觸法布施。惻隱慈愛。此心平等。拯溺扶危。隨時妙應。不責報于目前。不納容而遠到。卽戟舌劍牙。以厚匿而市威。有忍始有濟。能翕故能張。所以阿難見窘于摩登。一心懺悔。僧會初棲于吳國。八戒焚備。立心貞固。銳志闡修。沉思道行之品。委曲惠印之經。智計銳于時艱。磨練勞于勢逆。歷山脫水火而重華。勾

傳
卷二
踐經石室而竭慮。折脂折齒之雄。自鬻自販之
相。堅持已牢。容受亦大。必有不毀之金。剛斯具
不朽之經濟。是吾儒忍辱禪。

夫大乘之道。非具識所能窺也。萬仞之峰。非足
力所能到也。必有超世之真精。無生之妙悟。揭
三車于鹿苑。開十誦于龍宮。遊戲通神。解悟無
量。脇下生光。日以繼夜。眼中流火。雪乃成山。問
禮問官。爲格爲致。麥可漂也。金可投也。薪自鬻

也。草自然也。床可穿也。股可刺也。鍛鍊之極。日月爲之改晷。諷詠之苦。鬼神猶且呼玄。登峰造極。凝精結神。五塵不濁。三修自章。竭一生之拮据。交予異日。往者法朗。遠涉天竺。流寓僧居。一人誦經。一人患廁。穢污無量。其讀經者了不相顧。朗乃穆然。遂爲薪水。掃除浣濯。病者困頓。遑遽料理。七日之間。一心不亂。其病者愈。光悅非常。屋中積穢。皆變華馨。朗遂大悟。以無覬覦。故

而真心撫摩是吾儒布施禪

傳曰滿而不溢所以常守富也高而不危所以
常守貴也天道戒盈而就虛地道戒崇而處卑
地藏王如來各各証佛誓願度盡衆生方乘大
寶退處菩薩露權慈愍法雨時垂甘露不竭賢
愚讚嘆人鬼欽承以持戒故裡心心徹合願願
滿使完赤子之真心順世緣之浮罔承之以謙
守之以拙居氣于剛得難于柔危險值不爲之

避異媚。乘不爲之迷。道以持身。學以爲已。終始自在。精神湛如。是吾儒持戒禪。

夫車敗于馳。虎刺于逸。何者。雖完輪重軸。必從定。萬古之楷模。是吾儒精進禪。

妙道凝玄。何言得以宣其奧。大乘弘覺。惟嘿足以定其宗。石室之秘文。要于心悟。護珠之聯貫。總在修持。所以浣五欲之泥。解六情之網。磨金剛之杵。搖玉柱之鈴。燎無漏之燈。決有識之水。

卷青蓮之舌。蘊紅瓜之奇。理源于幽。德司其契。不顯而文章粲于宇宙。闡然而造化在吾掌中。是吾儒禪定禪。

昔道會日誦萬卷。道安早悟三空。篤志清修。同盟法伴。尋歷奧義。標顯玄言。一日過山僧。山僧寂然若虛。頽然若木。相與大布玄言。各吐妙義。泉瀑雲流。花分采競。因扣山僧以何所有。山僧曰。能念觀音經一卷耳。二人不之信。曰。爲兄誦。

之可也。開卷朗唱。異香繞于座。天樂鳴于空。雖
誦聲已畢。而餘音尚饒。曰。一杯水具大海味。要
在了見真宗。直窺微義。如徒目誦膚乘。雖多亦
奚以爲是。吾儒智慧禪。

儒林

卷六

十

夕話序

論文家。開口卽攫人心。斯爲心語。
傳心者。悉心下。設痛痒不關。作市
上兒貧話。有識童子。投瓦礫而走。
縱善拾唾華。娓娓飾聽。終寄人籬
下。羅含之鳥不靈。江淹之錦裂盡。

安能自竟其說。故自來論文。無慮
千家。馬脾牛頭。勉相附會。了難爲
佳。所謂神靈之奧區。文章之骨髓。
何在。澗堂夕話。真攫心語也。卽所
云泣玉之精神現。玉之精神現矣。
劍氣于斗。亦金之躍冶者也。文章

一事明不畏人。幽不畏鬼。食其英
氣。毛髮俱靈。文章壽殀。存乎下筆。
途窮數極。忽然天開。獨有一種吞
吐卷舒之氣。渺渺孤行。寧使天下
欲殺。不忍吾言不傳。淮南呂不韋
之徒。皆陰詭險賊。竊其精氣。自爲

一○家○言○讀○其○語○令○人○笑○啼○互○作○痛○
痒○甚○親○千○古○寸○心○真○不○誣○矣○願○五○
夜○一○燈○曉○窗○萬○字○者○于○紙○上○吸○取○
心○血○則○此○一○夕○話○勝○讀○十○年○書○矣○

仙臞何偉然題

廣快書卷七

西湖何偉然仙臞纂

延陵吳從先寧野定

瀾堂夕話

選張次仲本

附偶書

詩有擬古也。文亦擬古哉。南風擊壤歌之近古者也。尼父刪弗取。都俞吁咈。居恒酬對語耳。纍纍乎如貫珠。文有古也。詩曷古哉。斯道無門。無徑。意之所創。卽爲祖。時之所師。卽爲令。擬秦則

謫擬漢則枝擬唐則蕪擬宋則弱何以擬之擬之曰優孟之于叔敖亦得其意思所在而已。

典謨之文渾渾噩噩明白易曉至于周書恢奇錯落遂多難解之語此非特氣運升沉亦所得之淺深異也斯道卑弱蓋亦有年近來朝廷精明豪傑應運博綜古今囊括天地滔滔莽莽自爲一家言而一二好奇之士時掇拾子語以標異世俗之人多見少怪互相尸祝不知業貴當

行。學期自得。剝剝點綴。一時膾炙。恐悞却五百
歲後遇金人也。

見魯仲連。李太白。令人不敢譚名利事。文章未
論理之淺深。格之奇正。但望其神氣。灑灑落落。
不受人間塵垢。便是最上一乘。故吾於此道。一
以臭味爲貴。修辭說理。俱屬第二事。

易奇而法。詩正而葩。文章三昧語也。今椎魯之
士。以迂庸爲正。淋漓艷冶之味。蕩焉不存。旣無

以厭服好奇者之口。而其奇者疾走狂叫。以爲雄滑稽。謔浪。以爲趣。輒連枝附。以爲大。吞剝補綴。以爲古。談空說謎。以爲玄。睂目易位。部曲紛紜。奇則奇矣。法竟安在哉。若是者一筆抹却。惟其有之。是以似之。文章之學。通于性命。不容假借。秦漢而後。韓柳數君子。光大爾雅。昭昭乎日月中天。其餘諸家。非不隱躍如辰星。要難與之爭耀。

多指亂視。多言亂聽。昔賢著書。止存體質。中間
淺深。讀者自爲領受。雅道淪夷。圈讚滿紙。賈兒
射利。是或一道。乃至靈函秘笈之語。金簡玉書
之文。聖人所忸怩而不敢受者。灌耳而陳。言之
者不以爲煩。當之者不以爲媿。文字語言。狼籍
至此。厭之恨之。

草創討論。修飾潤澤。此文章家律令也。宇內至
文。衝口而成者無幾。三都二京。越歷寒暑。用能

昭回萬象。鼓吹六經。今日諸君子。五夜一燈曉。
窻萬字。三年之間。潑墨成溪。意興淋漓。或有潦
倒不刪之習。才鋒湧射。則多縱橫無忌之言。不
辭誕妄。謬爲點抹。知無當于千古。要不負于寸
心。語云。建安亦無朱晦菴。青山亦無陸子淨。文
章之事。上觀千世。下觀千世。互相商略。乃成不
朽。有執予言而檢點其疵漏者。真吾臭味中人
也。

楊子雲太玄書成。賈人以萬金求列名字。子雲却不許。賈人名字亦遂不傳。此子雲孤刻之性。未見處分妙手。夫子雲祿位容貌不及中人。當時厭棄。獨一賈人者。形迹相慕。吾却金而列其名字。獨不可以愧天下後世。不知子雲者哉。凡今之人。因緣附會。開卷羅列。無論子雲。賈人見之。當復唾詈。吾故以知罪一身擔荷。有欲殺欲割者。曰某在斯。某在斯。

淵明讀書不求甚解。此是淵明高處。亦是淵明
力量不大處。獅子搏兔。搏象俱用全力。吾儕根
器淺劣。須拚徹底精神。纔有入手。孔子服菖蒲。
三年乃知其味。夫菖蒲有何味。而孔子知之。必
三年耶。吾願讀者于紙上。吸取心血。無以平淡
爲無奇。無以玄奧爲弔詭。正神冥對。養德養身。
都在于是。昔東方朔獻書萬卷。天子于上林苑
讀之。每夜輒乙其處。凡三月而盡。今懸大官大

祿以餌天下士。而士不聞有如漢天子讀書者何也。

窮源于經。取材于史。攤奇于子。游戲于稗官小說。汲冢猶存。嶧碑未斷。焚後殘書。儘供忻賞。舌敝掌爛。伊何人斯。

長康畫龍。龍成而睛不點。非不點也。畫思未至。龍性未全。天矯騰驤。乃在解衣槃礴之際。故曰五日一山。十日一石。夫五日一山。十日一石。會

心者正可想其兔起鶻落處也。三都上林賦。經年而成。其非櫛比之謂。

荆人泣玉。知其爲玉也。知其爲玉。何不剖璞以獻。而以其足殉也。知其爲玉。故不剖璞以獻。而以其足殉也。吾愛吾玉。吾愛吾足。再獻再刖。而泣玉之精神現。玉之精神現矣。今之時。旣不能名之爲玉。又不敢題之爲石。吾將安泣也。夫泣之無從。而玉苦矣。吾愛吾玉。吾愛吾足。

莊生以躍冶爲不祥。此言殊不然。金恨不干將
莫邪耳。果爾干將莫邪亦何能不躍。亦何妨于
躍。物不得其平則鳴。豐城之劍。幽諸圜底。而燁
然者。上于斗。是亦金之躍冶者也。不則更千
餘年。誰復知者。吾故爲不祥之金。

古之爲文者。傳諸通邑大都。又欲藏諸名山大
川。夫通邑大都。與天下欽吾寶也。名山大川。何
爲者。語不云乎。五百歲後。定有知吾玄者。以一

時之心思。而冀望于五百歲後人。其事甚迂。其言甚誕。其意固甚深遠也。今吾以都邑爲山川。以旦暮爲五百歲。令唾棄之餘。犁然有當於人心。而知吾之非無意于斯文者也。斯文固未喪也。

文章家動稱古文詞。塚之汲。碑之嶧。猶恨其不駕而上也。無問漢晉。至于制舉義。則曰時耳。時耳。夫時者。卑之無甚高論也。屬詞比事。墮少時

蹊徑風斯下矣。乃乘龍御天。譚時者莫玄于易。其言曰。先天弗違。後天奉天。夫何以不言中天也。不先不後微哉。難言之矣。古之至人。生時于心。造冰起雷。一坐六十小劫。寧從世界問古今哉。夫世界亦何古何今哉。春秋有以千歲者矣。春秋有以萬六千歲者矣。先秦之先。後漢之後。古者逾古而有光。陸離其若新。時者逾時而陳。陳不可讀。若是者何說也。文章之道。古有爲古。

時有爲時。包絡天地之氣。主持運會之先。我能爲古。我非古也。我能爲時。我非時也。周鼎殷彝。沉淪者不知幾千百歲。而光燄燄若五金之在冶。眈奇者按款摹色。百計以範之。弗若也。古弗若與時弗若與有弗若者也。

秦漢之際。文章運會。渾淪汎濫。間道別出。鬼谷淮南。呂不韋之徒。其人皆陰詭險賊。竊其精氣。自爲一家言。至韓退之起。八代之衰。文品人品。

如山如河。登之可以通帝座。泛之可以入天漢。
已後文章家麻立。非有品望。不得列于作者。
蒼頡書成。粟雨鬼哭。文章一事。明不畏人。幽不
畏鬼。性命精神。於斯透闢。食其英氣。毛髮俱靈。
吾聞之。網珊瑚者。于海底。採驪珠者。于頷下。丈
夫擁書萬卷。一讀不再讀。如以若浮若沉之精
神。而欲覲面古先。痛癢不親。義味安在不佞癡
腸。每讀一書。輒經夢寐。淋漓潦倒。哀樂不勝。念

秦漢之間。挾書有禁。一二老生。抱其遺經。口口
相傳。至于今日。今日文明如晝。諸子百家。所在
成市。乃不能得阿難耆婆者。作文字總持。大可
嘆也。

日光月華。由來已久。旦旦不寐。其中有精。文章
壽妖存乎。下筆有千歲之精神。卽傳千歲。有萬
歲之力量。卽傳萬年。拔山之歌。大風之誣。衝口
而出。哀樂至到。吾輩行文。借彼鬚眉。嘔我精血。

會須極其想路。空諸所有。如驚餌之魚。傷弓之鳥。高入杳冥。深沉洪洞。途窮數極。忽然天開。此則聖賢之精神。吾人之性命。急起追之。有如鶻落。傳諸通國。一任欲殺。我自憐才。若夫離離合合。實實虛虛。老生常談。我法無是。

斯道琢句鍊意。俱可揣摩而就。獨有一種吞吐卷舒之氣。渺渺孤行。如登山望海。但有蒼茫不知其所以。此則非十年絕欲。十年讀書。十年養

氣未許商量夢見。

文章未論妍媸。先辨真僞。蘇張家詐則真詐。申韓家刻則真刻。渠于父子夫婦之間。語言頓笑之際。反覆無端。殘忍百至。寧使天下欲殺不忍。吾言不傳。今人有此才情。無此見識。有此見識。無此心膽。吾嘗謂三代而後。不獨得天下不如古。卽所以失天下者。亦不如古。桀紂垂亾。猶能殺戮臣民。囚文王于羑里。東周君寄命六國。奄

奄殆盡。秦漢唐宋覆轍相循。不獨文章與代降也。

事到不如意處。當念古人三旬九食。更有百倍于我者。東方饑欲死。侏儒飽欲死。等死耳。世豈有不死侏儒哉。

愆期之女。檢他人嫁後針線數短。論長已是可笑。抑且癡情慕古。不念佩玉長裾之弗利。走趨也。諸姊妹以爲究竟如何。

澗堂文集

卷七





